

卷下

書名 周易舉正三卷 嘉靖四年范氏天一閣刊本
 撰者 唐 郭京 撰, 明 范欽 校
 卷 卷下
 內容分類 經-易-唐
 索書號 經部-易-6
 編號 A027000

[彩色首頁1](#)

[東洋文化研究所漢籍目錄 編號: A027000](#)

[東洋文化研究所漢籍目錄所藏漢籍善本全文影像資料庫 索書號: 經部-易-6](#)

[漢籍善本全文影像資料庫文本 周易舉正三卷 嘉靖四年范氏天一閣刊本](#)

[版權所有: 東京大學 東洋文化研究所](#)

[使用上的注意事項](#)

周易舉正卷上

唐蘇州司戶參軍郭京撰
 皇明兵部右侍郎范欽訂

乾卦九三君子終日乾乾夕惕若厲无咎註純
 修下道則處下之禮曠終日乾乾至于夕猶
 若厲也謹按定本猶字在惕字上則夕字
 絕句今則惕字在猶字上則惕字為絕句
 下若字宜訓為如夕字為絕句則若字宜
 語辭若字為語辭則與周公爻辭體同亦

下脫可字小事下誤增吉字彖舉繇辭例无
增損若可小事下合有吉則不可大事下合
有凶則小事不合有吉斷可知也

六五小象密雲不雨已止也註陽已止下故也
謹按經註止字並誤作上字故字上仍脫下
字察其文義可見矣

周易舉正卷中

周易舉正卷下

唐蘇州司戶叅軍郭京撰

皇明兵部右侍郎范欽訂

既濟亨小利貞初吉終亂彖曰既濟亨小小者
亨也註既濟者以皆濟爲義也小者不通不
爲皆濟故舉小者以明既濟利貞剛柔正而
位當也初吉柔得中也終止則亂其道窮也
註柔得中則小者亨也柔不得中則小者未
亨小者未亨雖剛得正則未爲既濟也故既

濟之要在柔得中也以既濟焉柔者道極无
進終惟有亂故曰初吉終亂也終亂不爲自
亂由止故亂故曰終止則亂也謹按彖亨小
下脫小字既濟之義只在小者亨若小者不
亨不爲既濟故夫子先舉繇辭既濟亨小然
後以小者亨也爲義結之若小字空者亨兩
字實不成義也審而詳之義則明矣註小者
不通通字誤作遺字註中通字本釋經文又
通字下不字誤作乃字上句通既誤作遺字
下句不字理當變爲乃字則與閏月五日不
殊審詳之義可見矣

彖第三註既濟焉焉字誤作爲字此註上文云
柔得中則小者亨柔不得中則小者未亨雖
剛得正則未既濟故既濟之要在柔得中也
以既濟焉柔者道極无進終惟有亂義戒其
柔者道極无進今誤作爲字則義理殊矣

上繫第四章一陰一陽之謂道註道者何无之
稱也无不通也无不由也况之曰道寂然无

體不可為象必有之用極而无之功顯故至于神无方而易无體而道可見矣故窮變以以盡神因神以明道也陰陽雖殊无一以待在陰為无陽陽以之生在陽為无陰陰以之成故曰一陰一陽也謹按註在陰為无陽陽字誤作陰字在陰為无陰陰字誤作陽字以上兩節本解陰陽雖殊无一以待之說者言陰之與陽雖有两氣恒用虚无之一以待之言在陽之時亦以為虚无此陽也在陰之時



亦以為虚无此陰也言道所在皆无也雖无於陰陰終由道而生故言陰以之生也雖无於陽陽終由道而成故言陽以之成也聞諸師說在陰為无陽陽以之生者是十月純陰用事至冬至之前正在純陰用事是在陰為无陽冬至一陽生是陽以之生也在陽為无陰陰以之成者則是四月純陽用事至夏至之前正在純陽用事是在陽為无陰夏至一陰生是陰以成之也一陽下生時陰氣猶在

地上一陰下生時陽氣亦在地上不待一陰氣盡始生陽一陽氣盡始生陰是陰陽雖殊无一以待之之義也

第九章子曰知變化之道其知神之不為乎註夫變化之道不為而自然故知變化者則知神之不為乎謹按經註不字並誤作所字詳文義可明誤

第十二章是故聖人有以見天下之賾謹按是故字下誤增夫象字此一節本是第六章於此引之者為極天下之賾者以下為引文成義之勢有夫象字驗第六章足見誤矣

下繫第一章剛柔相推變在其中矣繫辭而命之動在其中矣註剛柔相推况八卦相盪或否或泰也繫辭而命之况六爻之動動以適時者也立卦之義則見於彖象適時之功則存之爻辭王氏之例詳矣今本註剛柔相推八卦相盪或否或泰也繫辭而斷其吉凶况之六爻動以適時者也立卦之義則見於彖

象適時之功則存於爻辭王氏之例詳矣謹按定本解變動則具舉經文論八卦六爻則義理相當其今本解變義則全舉經文釋動義則經文不具其經文具者易會經文不具者難明兩註具錄如前正謬昭然可見矣

第二章包犧氏沒神農氏作斲木爲耜揉木爲耒耒耨之利以教天下蓋取諸益註制器致農以益萬物也謹按農氏誤作豐字教農之始未至收穫豈遽見豐足明誤也

第四章子曰小人不耻不仁不畏不義不見利不動不威不懲小懲大戒此小人之福也謹按動字誤作勸字凡悔吝所生生乎動者則是小人見利而動其勸勉之義皆是善道故季康子問使人敬忠以勸則勸是勉令向善之義審其文句義理甚昭矣

又幾者動之微吉之先見者也註幾者去无入有而理未形不可名尋不可形睹者也唯神也不疾而速故能朗然玄照鑒於未形者也

謹按而理字顛倒作理而且而理則易悟作理而則難明凡註釋本在曉人豈強為難會者也理亦昭然矣

又子曰君子安其身而後動易其心而後語定其交而後求君子修此三者故全也危以動則民不輔也懼以語則民不應也无交而求則民不與也莫之與則傷之者至矣謹按輔字誤作與字輔輔助之義甚明矣與之與大失况无交而求此則是與與字不可重用况

六義又乖亦斷知矣

第八章二與四同功而異位其善不同二多譽四多懼註懼近也位逼於君故多懼謹按誤將近也字作經近字上仍脫懼字三與五同功而異位其善不同三多凶五多功審其上下文足明經註殊理誤亦可知矣

說卦雷以動之風以散之雨以潤之日以烜之艮以止之兌以說之乾以居之坤以藏之謹按居字誤作君字夫子於此一節明八卦長

養萬物之功无君臣父子之義

又神也者妙萬物而爲言者也註於此言神者明八卦運動變化推移莫有使之然者神則非物妙萬物爲言者也謹按非字誤作无字義理非字切當從其定本

序卦有天地然後萬物生焉盈天地之間者惟萬物故受之以屯屯者盈也屯者物之始生也始生必蒙謹按始字誤作物字雖義不甚乖貴從正本也

又蒙者蒙昧也謹按脫昧字已於上經剥卦論訖

又比者親比也謹按脫親字亦同剥卦之論也又故受之以剥註極飾則賢喪謹按賢字誤作實字然實亦粗通貴從正本也

又物不可以久居其所故受之以遯遯者退也謹按此一句今本脫者多詳其諸卦例可知也

又物不可以終遯註君子以遠小人遯而後亨

何可終邪則小人道勝君子道消也故受之
以大壯註陽盛陰消君子道勝也謹按前註
小人道勝字誤作遂令字驗後註君子道勝
可知矣遂令字何所取義也

又有過物者必濟註行過乎恭用過乎儉可以
矯世厲俗有所濟也謹按用字誤作禮字此
一節本因小過論義故引小過卦大象辭爲
義誤作禮字理亦可知

雜卦屯見而不失其居註雖見難而盤桓利貞
不失其居也謹按註脫難字處屯之初盤桓
不進雖見其難爲其利貞不失其居詳文句
可明其義理矣

又蒙稚而著註稚者未知所定求發其蒙則得
所定也著定也謹按經註稚字並誤作雜字
蒙之爲義當蒙昧幼稚之時心无所定非叢
雜之義矣


又履不處也註王弼云履卦陽爻皆以不居其
位爲美也謹按美字誤作吉字此是畧例正

周易卷下
文註首既引王弼云則自然合依本文義在
无惑矣

畧例明象而或者定馬於乾謹按按文貴卦有
乾无馬今本作有馬无乾其按文貴卦只按
貴乾卦文辭既云有馬則乾卦文辭實无馬
字既云无乾則易无乾卦矣推而尋之理甚
明矣

周易舉正卷下





中國書局

